

CYFARFOD PWYLLGOR LLYWODRAETHU A DIOGELWCH DIGIDOL - CYHOEDDUS

COFNODION, PENDERFYNIADAU A CHAMAU GWEITHREDU I'W CYMRYD

 13:00 –15:05

 2 Chwefror 2023

 MS Teams

Yn Bresennol (Aelodau)	Blaenlythrennau	Teitl	Sefydliad
Rowan Gardner	RG	Aelod Annibynnol, Cadeirydd y Pwyllgor Llywodraethu a Diogelwch Digidol	Iechyd a Gofal Digidol Cymru
David Selway	DS	Aelod Annibynnol, Is-gadeirydd y Pwyllgor Llywodraethu a Diogelwch Digidol	Iechyd a Gofal Digidol Cymru
Marilyn Bryan Jones	MJ	Aelod Annibynnol	Iechyd a Gofal Digidol Cymru

Yn bresennol	Blaenlythrennau	Teitl	Sefydliad
Michelle Sell	MS	Cyfarwyddwr Cynllunio a Pherfformiad a Phrif Swyddog Masnachol	Iechyd a Gofal Digidol Cymru
Chris Darling	CD	Ysgrifennydd y Bwrdd	Iechyd a Gofal Digidol Cymru
Keith Reeves	KR	Rheolwr Tîm Rheoli Gwasanaeth	Iechyd a Gofal Digidol Cymru
Rhidian Hurle	RH	Cyfarwyddwr Meddygol Gweithredol	Iechyd a Gofal Digidol Cymru
Darren Lloyd	DL	Cyfarwyddwr Cyswllt ar gyfer Llywodraethu Gwybodaeth a Diogelwch Cleifion	Iechyd a Gofal Digidol Cymru

Cofnodion ar gyfer:
Pwyllgor Cyhoeddus Llywodraethu a Diogelwch Digidol Chwefror 2023

Julie Ash	JA	Pennaeth Gwasanaethau Corfforaethol	Iechyd a Gofal Digidol Cymru
David Sheard	DSH	Cyfarwyddwr Cynorthwyol Trawsnewid Gwasanaethau	Iechyd a Gofal Digidol Cymru
Carys Richards	CR	Cydlynnydd Llywodraethu Corfforaethol (Ysgrifenyddiaeth)	Iechyd a Gofal Digidol Cymru
Rachael Powell	RP	Cyfarwyddwr Cyswllt Gwybodaeth, Deallusrwydd ac Ymchwil	Iechyd a Gofal Digidol Cymru
Paul Evans	PE	Pennaeth Dros Dro Ansawdd a Rheoleiddio	Iechyd a Gofal Digidol Cymru
Sam Lloyd	SL	Cyfarwyddwr Gweithredol Gweithrediadau	Iechyd a Gofal Digidol Cymru
Carwyn Lloyd Jones	CLJ	Cyfarwyddwr TGCh (hyd at ac yn cynnwys eitem 3.2)	Iechyd a Gofal Digidol Cymru
Laura Tolley	LT	Rheolwr Llywodraethu Corfforaethol	Iechyd a Gofal Digidol Cymru
Andrea Harris	AH	Cynorthwy-ydd Gweithredol (yn arsylwi)	Iechyd a Gofal Digidol Cymru

Ymddiheuriadau	Teitl	Sefydliad
Ifan Evans	Cyfarwyddwr Gweithredol Strategaeth	Iechyd a Gofal Digidol Cymru

Acronymau			
SHA	Awdurdod Iechyd Arbennig	DG&S	Llywodraethu a Diogelwch Digidol
NDR	Adnoddau Data Cenedlaethol	DPIF	Cronfa Buddsoddi Blaenoriaethau Digidol
R&I	Ymchwil ac Arloesi	ETR	Ceisiadau Prawf Electronig
DSPP	Gwasanaethau Digidol ar gyfer Cleifion a'r Cyhoedd	WEDS	System Adran Argyfwng Cymru
WICIS	System Wybodaeth Gofal Dwys Cymru	RISP	Rhaglen Gaffael y System Gwybodeg Radioleg
WIAS	Gwasanaeth Archif Delweddu Cymru	DMTP	Portffolio Trawsnewid Gweinyddu Meddyginiaethau'n Ddigidol
DHCW	Iechyd a Gofal Digidol Cymru	IM	Aelod Annibynnol

Cofnodion ar gyfer:

Pwyllgor Cyhoeddus Llywodraethu a Diogelwch Digidol Chwefror 2023

ISD	Cyfarwyddiaeth Gwasanaethau Gwybodaeth	GIG	Gwasanaeth Iechyd Gwladol
BAU	Busnes fel Arfer	IRLG	Grŵp Adolygu Digwyddiad a Dysgu
MB	Y Bwrdd Rheoli	LPF	Fforwm Partneriaeth Lleol
MIU	Uned Mân Anafiadau	WG	Llywodraeth Cymru

Rhif yr Eitem	Eitem	Canlyniad	Cam Gweithredu i'w Gofnodi
RHAN 1 — MATERION RHAGARWEINIOL			
1.1	Croeso a Chyflwyniadau Dechreuodd David Selway, Aelod Annibynnol, Is-Gadeirydd y Pwyllgor Llywodraethu a Diogelwch Digidol (DS) y cyfarfod fel Cadeirydd dros dro oherwydd bod Rowan Gardner, Aelod Annibynnol, Cadeirydd y Pwyllgor Llywodraethu a Diogelwch Digidol (RG) wedi'i rwystro. Croesawodd DS bawb i'r cyfarfod ac estynnodd groeso arbennig i Sam Lloyd (SL), Cyfarwyddwr Gweithredol Gweithrediadau a oedd yn mynychu'r pwyllgor am y tro cyntaf ers cael ei benodi.	Nodwyd	Dim i'w nodi
1.2	Ymddiheuriadau am Absenoldeb Nodwyd ymddiheuriadau am absenoldeb gan: • Ifan Evans (IE), Cyfarwyddwr Gweithredol Strategaeth •	Nodwyd	Dim i'w nodi
1.3	Datganiadau o Fuddiannau Nodwyd bod RG yn gyd-sylfaenydd Precision Life, sy'n ymdrin â gwybodaeth am gleifion at ddibenion eilaidd megis ymchwil a chytunwyd os ar unrhyw adeg pan nad yw'n briodol i RG fod yn Gadeirydd, y byddai DS yn cymryd yr awenau i reoli unrhyw wrthdaro posibl.	Nodwyd	Dim i'w nodi
1.4	Materion sy'n Codi Ni chodwyd unrhyw faterion.	Nodwyd	Dim i'w nodi



RHAN 2 – AGENDA GYDSYNIO

Dosbarthwyd eitemau ar yr agenda gydsynio cyn y cyfarfod a nodwyd nad oedd unrhyw sylwadau wedi'u derbyn gan y Cadeirydd ymlaen llaw.

2.1	Cofnodion y Cyfarfod Diwethaf • Cyhoeddus • Crynodeb preifat Ar wahân i un mân ddiwygiad i'r teitl "safonau <pasbort> claf rhyngwladol" yn y set gyhoeddus o gofnodion, cymeradwywyd y ddwy set o gofnodion fel cofnod cywir o'r cyfarfod blaenorol ym mis Tachwedd 2022. Penderfynodd y Pwyllgor Llywodraethu a Diogelwch Digidol: Gymeradwyo Cofnodion y cyfarfod diwethaf	Cymeradwywyd	Dim i'w nodi
2.2	Blaengynllun Gwaith Penderfynodd y Pwyllgor Llywodraethu a Diogelwch Digidol: Nodi'r Blaengynllun Gwaith	Nodwyd	Dim i'w nodi
2.3	Adolygiad o Aelodaeth y Pwyllgor a'r Cylch Gorchwyl Tynnodd Chris Darling (CD), Ysgrifennydd y Bwrdd, sylw aelodau'r pwyllgor at ychwanegu Ymchwil ac Arloesi at y Cylch Gorchwyl at ddibenion sicrwydd. Penderfynodd y Pwyllgor Llywodraethu a Diogelwch Digidol: GYMERADWYO Aelodaeth y Pwyllgor a'r Cylch Gorchwyl	Nodwyd	
2.4	Cylch Busnes y Pwyllgor Nododd Julie Ash, Pennaeth Gwasanaethau Corfforaethol, ddiwygiad i'r Safonau Iechyd a Gofal o fis Ebrill 2023 y cyfeirir atynt fel y Safonau Ansawdd. Penderfynodd y Pwyllgor Llywodraethu a Diogelwch Digidol: GYMERADWYO Cylch Busnes y Pwyllgor 2023/24	Nodwyd	
2.5	Hunanasesiad Effeithiolrwydd Pwyllgorau Penderfynodd y Pwyllgor Llywodraethu a Diogelwch Digidol: Nodi Hunanasesiad Effeithiolrwydd Pwyllgorau	Nodwyd	

Cofnodion ar gyfer:

Pwyllgor Cyhoeddus Llywodraethu a Diogelwch Digidol Chwefror 2023

2.6	Adroddiad y Pwyllgor Blynyddol Penderfynodd y Pwyllgor Llywodraethu a Diogelwch Digidol: Gymeradwyo Adroddiad Blynyddol y Pwyllgor	Cymeradwywyd	
2.7	Safonau Iechyd a Gofal Penderfynodd y Pwyllgor Llywodraethu a Diogelwch Digidol: Nodi'r Safonau Iechyd a Gofal	Nodwyd	
RHAN 3 - PRIF AGENDA			
3.1	Cofnod Gweithredu Cadeiriodd RG y cyfarfod o'r eitem hon ymlaen. O dan arweiniad Chris Darling (CD), Ysgrifennydd y Bwrdd a nododd fod 2 gam gweithredu agored yn y parth cyhoeddus ar hyn o bryd, y ddau ohonynt ar y gweill gyda diweddariadau wedi'u cynnwys yn y log ac wedi'u cyflwyno ym mhecyn y bwrdd. 2022-04-08-A02 – Diweddariad Strategaeth Ymchwil ac Arloesi: RP i archwilio adnoddau ac i adrodd yn ôl i'r pwyllgor i gynnwys darn gwybodaeth deallusrwydd cystadleuol.” Camau i'w cau gan y diweddarir Ymchwil ac Arloesi fel eitem reolaidd o dan 3.4 Adroddiadau Sicrwydd o gyfarfod heddiw. 2022-12-05-A02 – “Addewid data – DL i roi'r wybodaeth ddiweddaraf yn y Pwyllgor nesaf, y datrysiad posibl, a'r amserlenni i'w hamlinellu.” Gan fod y cam hwn yn ymwneud ag un o risgiau allweddol Iechyd a Gofal Digidol Cymru byddai'n cael ei drafod yn eitem 3.2 Y Gofrestr Risg Gorfforaethol. Ni chafwyd trafodaeth bellach gan fod y Pwyllgor yn fodlon ar y cynnydd a wnaed a'r diweddariadau a ddarparwyd. Penderfynodd y Pwyllgor Llywodraethu a Diogelwch Digidol: Draffod y Cofnod Gweithredu.	Trafodwyd	Dim i'w nodi
3.2	Y Gofrestr Risg Gorfforaethol Dywedodd CD wrth y Pwyllgor fod 23 o risgiau ar y Gofrestr Risg Gorfforaethol ar hyn o bryd, y mae 16 ohonynt i'w	Trafodwyd	Dim i'w nodi

Cofnodion ar gyfer:

Pwyllgor Cyhoeddus Llywodraethu a Diogelwch Digidol Chwefror 2023

hystyried gan y Pwyllgor hwn, ac mae 9 ohonynt yn cael eu dosbarthu fel risgiau cyhoeddus gyda'r newidiadau a ganlyn wedi'u nodi fel eithriad fel:

4 NEWYDD, 2 ohonynt wedi'u neilltuo i Lywodraethu a Diogelwch Digidol:

- DHCW0299 Capasiti cyflenwyr i gefnogi gweithgareddau parodrwydd y Gwasanaeth Presgripsiwn Electronig
- DHCW0300 Canisc (Sgrinio a Gofal Lliniarol)

0 risg WEDI'I LLEIHAU o fewn y cyfnod;

TYNNWYD 8, 5 ohonynt wedi'u neilltuo i Lywodraethu a Diogelwch Digidol, 1 yn breifat:

- DHCW0295 Diffyg adnoddau i weithredu Cerrig Milltir allweddol y Cynllun Tymor Canolig Integredig
- DHCW0204 System Canisc
- DHCW0294 Perchnogaeth Gwasanaeth Iechyd a Gofal Digidol Cymru ac ymrwymiad adnoddau heb eu cytuno ar gyfer Ap GIG Cymru
- DHCW0291 Oedi Offer Rhwydwaith mewn perthynas â Symud Canolfan Ddata 2

Nodwyd sylwadau pellach fel a ganlyn:

- DHCW0269 Gwasanaeth cyfnewid – nododd CLJ mai'r adborth o'r adroddiad archwilio diweddar oedd rhannu'r risg yn risgiau mwy penodol fel y gellir rheoli elfennau unigol.
Cytunwyd y bydd gwelliannau i'r ddogfennaeth Adfer ar ôl Trychineb yn cael eu gwneud, bydd ymchwil yn cael ei wneud i weld a oes opsiynau i ddarparu gwell cadernid ar draws y canolfannau data, yn ogystal, byddai cynlluniau parhad busnes yn cael eu rhoi ar waith ar gyfer Cyfarwyddiaeth Gwasanaethau Gwybodaeth i sicrhau bod y tîm gwasanaethau integreiddio yn gallu cefnogi â llaw os oes angen.
Ychwanegodd Rachael Powell (RP), Cyfarwyddwr Cyswllt Gwybodaeth, Deallusrwydd ac Ymchwil fod y dybiaeth weithredol y byddai'r rhaglen Adnodd Data Cenedlaethol yn cymryd lle y Gwasanaeth Cyfnewid bellach wedi'i chadarnhau, gydag ymateb adroddiad archwilio yn cael ei gyflwyno i'r Pwyllgor Archwilio a Sicrwydd ym mis Chwefror.
- Nododd CLJ fod y risg parthau Nam, sydd wedi bod ar y

Cofnodion ar gyfer:

Pwyllgor Cyhoeddus Llywodraethu a Diogelwch Digidol Chwefror 2023

	gofrestr ers 18 mis wedi'i chau ers hynny, bod gwaith wedi'i gwblhau o fewn yr ychydig wythnosau diwethaf, a oedd yn cynnwys y mudo. DHCW 0264 Addewid Data – Rhoddodd Darren Lloyd (DL), Cyfarwyddwr Cyswllt ar gyfer Llywodraethu Gwybodaeth a Diogelwch Cleifion, yr wybodaeth ddiweddaraf i'r pwyllgor fod y gwaith yn cynnwys rhywfaint o berchnogaeth gan y gwasanaeth, fodd bynnag roedd cyfarfod â LIC i ddeall rolau a chyfrifoldebau o ran cyflawni rhai o'r elfennau o dan sylw wedi'i drefnu. Byddai hyn yn caniatáu i Iechyd a Gofal Digidol Cymru edrych ar adnoddau i gyflawni'r ymgyrch. Holodd DS ynghylch y broses gymhleth sy'n ymwneud â gwaith yr Addewid Data ac a fyddai, o safbwynt Iechyd a Gofal Digidol Cymru, yn cynnal cynlluniau strategaeth yr Adnodd Data Cenedlaethol / Ymchwil ac Arloesi. Mewn ymateb, rhoddodd DL sicrwydd y byddai'n cael llai o effaith ar ddibyniaethau ac yn fwy felly yn dylanwadu ar gyfleoedd. Ychwanegodd DL y byddai angen adnoddau ychwanegol i wella offer ac addasu mewn rhai meysydd i ddatblygu gwaith yr Addewid Data unwaith y bydd y cynlluniau wedi'u cyflawni gan LIC. Penderfynodd y Pwyllgor Llywodraethu a Diogelwch Digidol: Drafod y Gofrestr Risg Gorfforaethol		
3.3	Adroddiad Adolygu Digwyddiadau a Dysgu Sefydliadol Trosglwyddodd Michelle Sell (MS), Cyfarwyddwr Cynllunio a Pherfformiad a Phrif Swyddog Masnachol, yr awenau i Keith Reeves (KR), Rheolwr y Tîm Rheoli Gwasanaeth a gyflwynodd adroddiad Chwarter 3 ar gyfer y cyfnod rhwng 1 Hydref 2022 a 31 Rhagfyr 2022 yn gynwysedig, gan nodi'r eitemau canlynol ar gyfer sylw: - Roedd 1 Hysbysiad Rhybudd Cynnar / Digwyddiad Adrodd Cenedlaethol y chwarter hwn 1 Digwyddiad Clinigol, gyda hysbysiad wedi'i gyhoeddi o fewn yr amserlen (gwyrdd) yn parhau i gael ei ymchwilio a'r canlyniadau'n cael eu bwydo'n ôl i'r adroddiad chwarterol nesaf i'r pwyllgor.	Trafodwyd er Sicrwydd	Dim i'w nodi

- Roedd y nifer uchel o argymhellion / camau gweithredu a gwblhawyd ar gyfer mis Medi 2022 yn ymwneud â'r gwelliannau a nodwyd ac a roddwyd ar waith ar gyfer Rheoli Digwyddiad TG Mawr.
- Mae gweithgor wedi'i sefydlu i adolygu pob agwedd ar broses Rheoli Digwyddiad TG Mawr Iechyd a Gofal Digidol Cymru gan gynnwys effeithiolrwydd ei strwythur ymateb i ddigwyddiadau (Efydd, Arian, Aur), cyfathrebu, rheoli prosesau, adrodd ac adolygu, ac ymgysylltu â rhanddeiliaid. Bydd yr allbynnau'n cynnwys datblygu llifoedd gwaith symlach, proffiliau rôl cliriach, gwell llinellau adrodd ac uwchgyfeirio, templedi cyfathrebu yn ogystal â datblygu deunyddiau hyfforddi a phrofi agweddau ar y broses o un pen i'r llall o bryd i'w gilydd.
- Cynhaliwyd adolygiad o Fframwaith Ffactorau Cyfrannol presennol Swydd Efrog yn erbyn y dull o ddarparu systemau a gwasanaethau digidol, o'r offeryn sy'n defnyddio sylfaen dystiolaeth ar gyfer optimeiddio dysgu a mynd i'r afael ag achosion digwyddiadau diogelwch cleifion drwy helpu clinigwyr, rheolwyr risg ac adolygwyr digwyddiadau. nodi ffactorau cyfrannol. Mae gwaith mireinio pellach ar y gweill ar gyfer Ch4 ochr yn ochr â chynllun peilot o'r fframwaith gyda phroses adolygu fyw, darparu hyfforddiant, ymwybyddiaeth a hyrwyddo.

Holodd RG am yr hyfforddiant ymwybyddiaeth Misol gyda 62% o'r rheolwyr ar alwad wedi mynychu'r sesiynau hyn, eisiau gwybod y targed i'w gwblhau erbyn diwedd y flwyddyn ariannol.

Cadarnhaodd KR 75%, gyda'r bwriad o ymgysylltu â dechreuwyr newydd o fewn eu cyfnod sefydlu fel gweithgaredd parhaus y flwyddyn nesaf.

Ychwanegodd MS fod adolygiadau thematig a gwersi a ddysgwyd ar agenda'r grŵp ar gyfer dysgu ehangach, er mwyn cael persbectif ehangach a'u rhoi ar waith ar draws Iechyd a Gofal Digidol Cymru yn y dyfodol, y tu allan i'r safon bresennol o adolygiadau technegol da y mae'r tîm eisoes wedi'u sefydlu eleni.

Penderfynodd y Pwyllgor Llywodraethu a Diogelwch Digidol:

Drafod yr Adroddiad Adolygu Digwyddiadau a Dysgu Sefydliadol er Sicrwydd.

3.4	Adroddiadau Sicrwydd I. Adroddiad Sicrwydd Llywodraethu Gwybodaeth Cyflwynodd DL yr adroddiad, yn amlinellu gweithgareddau sicrwydd allweddol ar gyfer y cyfnod adrodd rhwng 11 Hydref 2022 a 10 Ionawr 2023. - Mae Strategaeth Llywodraethu Gwybodaeth Iechyd a Gofal Digidol Cymru yn y broses o gael ei diweddarau i adlewyrchu'r cynnydd, cyflawniadau a datblygiadau sydd eu hangen i fodloni anghenion y gwasanaeth. Mae fframwaith yn cael ei ddatblygu a fydd yn cynnwys Cytundeb Rhannu Gwybodaeth Bersonol Cymru, Pecyn Cymorth Llywodraethu Gwybodaeth Cymru, Teclyn Archwilio Integredig Deallus Cenedlaethol (NIIAS). - Mae Cytundeb Rhannu Gwybodaeth Bersonol Cymru (WASPI) yn parhau i wneud cynnydd o ran creu Cod Ymddygiad a gymeradwywyd gan Swyddfa'r Comisiynydd Gwybodaeth o dan Erthygl 40 o Reoliad Diogelu Data Cyffredinol y DU. Bydd y Cod Ymddygiad yn ymrwmo sefydliadau i ddilyn arferion rhannu gwybodaeth Cytundeb Rhannu Gwybodaeth Bersonol Cymru. Bydd fersiwn drafft terfynol o'r Cod yn cael ei rannu fel rhan o ymgynghoriad cyhoeddus yn fuan. - Mae platfform technegol newydd ar gyfer Pecyn Cymorth Llywodraethu Gwybodaeth Cymru yn cael ei roi ar waith ar gyfer blwyddyn ariannol 2023/2024. Bydd y platfform newydd yn caniatáu i Iechyd a Gofal Digidol Cymru ehangu o'r sefydliadau hynny sy'n defnyddio'r platfform presennol ar hyn o bryd (Bwrdd Iechyd Cymru, Ymddiriedolaethau, Awdurdodau Iechyd Arbennig a Meddygfeydd Teulu Cyffredinol) i set ehangach o randdeiliaid sydd angen darparu sicrwydd Llywodraethu Gwybodaeth. - Gweithiwyd ar 24 Asesiad o'r Effaith ar Ddiogelu Data yn ystod y cyfnod adrodd, gyda 10 newydd, a 10 wedi'u cymeradwyo. 1 Digwyddiad Llywodraethu Gwybodaeth wedi'i nodi fel Diogelu Data a Chyfrinachedd (Wedi'i ddatgelu'n amhriodol). - Derbyniwyd 11 cais Deddf Rhyddid Gwybodaeth (FOIA)	Nodwyd er Sicrwydd	Polisi Eiddo Deallusol MS Polisi Eiddo Deallusol i'w gyflwyno i gyfarfod nesaf y Pwyllgor ym mis Mai.
-----	---	--------------------	--

Cofnodion ar gyfer:

Pwyllgor Cyhoeddus Llywodraethu a Diogelwch Digidol Chwefror 2023

gan Iechyd a Gofal Digidol Cymru rhwng 11 Hydref 2022 a 10 Ionawr 2023, ac atebwyd pob un ohonynt o fewn yr amserlenni statudol.

- Derbyniwyd 3 Chais am Fynediad at Ddata o fewn y cyfnod, ac atebwyd pob un ohonynt o fewn yr amserlen statudol.

II. Adroddiad Sicrwydd Gwybodeg

Cyflwynodd Paul Evans (PE), Pennaeth Ansawdd a Rheoleiddio Dros Dro yr adroddiad yn nodi dadansoddiad o'r gweithgaredd a adolygwyd gan Grŵp Sicrwydd Gwybodeg Cymru yn y cyfnod rhwng Hydref 2022 a Rhagfyr 2022, gyda'r materion penodol a godwyd i'w hystyried gan y pwyllgor fel a ganlyn:

- Mae'r holl wasanaethau sy'n ymwneud â COVID y nodwyd yn flaenorol bod angen sicrwydd ôl-weithredol arnynt bellach wedi dod drwy'r broses Grŵp Sicrwydd Gwybodeg Cymru. Mae un gwasanaeth, DSPP Private Beta angen sicrwydd ôl-weithredol fel yr amlygir yn Adran 3.1. Mae'r gwaith hwn bron wedi'i gwblhau a disgwylir iddo gael ei gwblhau cyn bo hir.

Holodd DS y rhesymau pam yr oedd angen sicrwydd ôl-weithredol? Dywedodd PE, ychydig o ddiofalwch ar gyfer y Preifat ac nawr yn Gyhoeddus yn mynd drwy'r broses Grŵp Sicrwydd Gwybodeg Cymru..

- Yn dilyn Gweithdai Grŵp Sicrwydd Gwybodeg Cymru a gynhaliwyd yn 2022, mae Arweinwyr Sicrwydd ychwanegol wedi'u hychwanegu at y broses Grŵp Sicrwydd Gwybodeg Cymru ac maent yn addasu i fformat y cyfarfodydd a'r gofynion Dangosyddion Perfformiad Allweddol ar gyfer datganiadau. Mae ychydig o oedi gyda chymeradwyaeth Cynllun Sicrwydd Ansawdd ac Achos Diogelwch ac Adroddiad Parodrwydd oherwydd y newid hwn. Mae'r Pennaeth Sicrhau Ansawdd a Chydymffurfiaeth Rheoleiddiol Dros Dro a Hwylusydd Sicrwydd Gwybodeg Cymru yn cysylltu â chydweithwyr i ddarparu cymorth gyda'r broses Grŵp Sicrwydd Gwybodeg Cymru.

Dywedodd PE fod rhestr wirio safonol yn cael ei datblygu, ynghyd â phhecyn dogfennau ar gyfer rheolwyr prosiect, yn ogystal â hyfforddiant fel bod dealltwriaeth o geisiadau sicrwydd a fydd yn dod trwy

Grŵp Sicrwydd Gwybodeg Cymru.

III. Adroddiad Sicrwydd Gwasanaethau Gwybodaeth

Cyflwynodd RP yr adroddiad yn nodi'r gwaith parhaus ar ddatblygu:

- System a ddatblygwyd yn fewnol a phroses gysylltiedig sy'n cydgysylltu llawer o'r prosesau rheoli presennol mewn un gofod, eisoes yn cael eu defnyddio gan y tîm Rheoli Rhaglenni Gwybodaeth. Roedd hyn yn helpu i roi sicrwydd ynghylch rheoli cerrig milltir i gefnogi'r gwaith o gyflawni'r Cynllun Tymor Canolig Integredig / Cynllun Blynnyddol, rheoli risgiau a rheoli gofynion hyfforddi allweddol ar draws Cyfarwyddiaeth Gwasanaethau Gwybodaeth. Y datblygiad nesaf, sydd bron wedi'i gwblhau, oedd y broses Cais am Wasanaeth Newydd, a fydd yn caniatáu i gais am waith gael ei godi, ei frysennu a'i sianelu i'r tîm(au) priodol gydag ychydig iawn o ymyrraeth â llaw. Bydd yn cynnwys ceisiadau ar y cyd rhwng Cyfarwyddiaeth Gwasanaethau Gwybodaeth a'r Adnodd Data Cenedlaethol.
- Mae'r grŵp gweithredol ar y cyd Cyfarwyddiaeth Gwasanaethau Gwybodaeth a'r Adnodd Data Cenedlaethol bellach yn cyfarfod bob mis, i adolygu gwaith newydd a sicrhau bod dull cydgysylltiedig ar gyfer blaenoriaethu a chyflawni gwaith o'r fath. Mae'r grŵp hefyd yn darparu cymorth ar gyfer datblygu cynlluniau pontio gan symud o rai o'r dulliau Cyfarwyddiaeth Gwasanaethau Gwybodaeth presennol tuag at y Google Cloud Platform (GCP) arfaethedig, sy'n cael eu datblygu gan y rhaglen Adnodd Data Cenedlaethol.
- Ers dechrau mis Tachwedd 2022, mae'r Grŵp Sicrwydd Cyfarwyddiaeth Gwasanaethau Gwybodaeth (ISDAG) wedi adolygu wyth Cynllun Sicrwydd Ansawdd (AQP) ac 13 o Adroddiadau Achos Diogelwch a Pharodrwydd (SCRR) ar gyfer datblygiadau newydd, i ystyried yr effaith ar y Gwasanaethau Gwybodaeth. Mae pum prosiect wedi mynychu'r Grŵp Sicrwydd Cyfarwyddiaeth Gwasanaethau Gwybodaeth i gyflwyno i'r grŵp, gan ysgogi ymgysylltiad amserol â thimau Cyfarwyddiaeth Gwasanaethau Gwybodaeth. Er bod y tîm Safonau Gwybodaeth yn parhau i gymryd rhan yn y Grŵp Sicrwydd Cyfarwyddiaeth Gwasanaethau

Cofnodion ar gyfer:

Pwyllgor Cyhoeddus Llywodraethu a Diogelwch Digidol Chwefror 2023

	Gwybodaeth ar gyfer trafodaethau ar y cyd, mae dogfennaeth Grŵp Sicrwydd Gwybodeg Cymru wedi'i rhannu'n ddwy adran i ddarparu dealltwriaeth gliriach o'r sylwadau gan y grŵp yn ôl i'r prosiectau. - Fel yr adroddwyd yn flaenorol, roedd cofnodion Portffolio'r Gwasanaeth Cyfarwyddiaeth Gwasanaethau Gwybodaeth wedi dyddio ac nid oeddent yn adlewyrchu'r COVID a'r gwasanaethau presennol newydd a ddarperir gan y Gyfarwyddiaeth Gwasanaethau Gwybodaeth. Daeth y secondiad 12 mis a ariannwyd gan Brofi Orlhain Diogelu i ben ym mis Hydref ac ymdriniodd â'r gwasanaethau mwy "hanfodol" o ran defnydd gan drydydd partïon. Erys nifer o gofnodion Portffolio Gwasanaeth y Gyfarwyddiaeth Gwasanaethau Gwybodaeth y mae angen eu mireinio a'u diweddarau o hyd gan ddefnyddio dull "dechrau o'r dechrau" i greu'r holl ddogfennaeth ar gyfer pob gwasanaeth o'r newydd. Ni fydd hyn yn cael ei gwblhau nawr gan fod y gefnogaeth Rheolaeth Gwasanaeth wedi dod i ben. Fodd bynnag, mae'r Gyfarwyddiaeth Gwasanaethau Gwybodaeth wedi nodi dau aelod o staff sydd wedi derbyn hyfforddiant Llyfrgell Seilwaith Technoleg Gwybodaeth ers hynny, i gwblhau gweddill cofnodion y Portffolio Gwasanaeth gan weithio ochr yn ochr â Rheoli Gwasanaethau. - Cyflwynwyd papur yn amlinellu cyfrifoldebau Iechyd a Gofal Digidol Cymru ar gyfer Cyhoeddi Ystadegau Swyddogol ac argymhellion ar gyfer gwella i'r Cyfarwyddwyr Gweithredol ym mis Ionawr a bydd yn cael ei drafod a'i ystyried ymhellach yn sesiwn Strategol y Cyfarwyddwyr ar 9 Mawrth 2023. Y dyhead yw y gallai Iechyd a Gofal Digidol Cymru ddod yn arweinydd yng Nghymru yn y maes hwn a chefnogi eraill, fel rydym yn ei wneud mewn meysydd eraill. Gyda datblygiad yr Adnodd Data Cenedlaethol a'r galw cynyddol am ystadegau swyddogol dibynadwy o ansawdd uchel y mae'r angen hwn yn debygol o dyfu. - Mae ymateb y rheolwyr i ganfyddiadau cychwynnol yr adolygiad archwilio mewnol a gynhaliwyd gan Bartneriaeth Cydwasanaethau GIG Cymru mewn perthynas â Gwasanaeth Cyfnewid Data GIG Cymru wedi'i gwblhau gyda set o gamau gweithredu cyfatebol wedi'u darparu mewn ymateb i'r argymhellion a nodir yn yr Adroddiad Archwilio Mewnol. Mae'r cam		
--	--	--	--

Cofnodion ar gyfer:

Pwyllgor Cyhoeddus Llywodraethu a Diogelwch Digidol Chwefror 2023

gweithredu rheoli ar y Gyfarwyddiaeth Gwasanaethau Gwybodaeth i gynhyrchu dogfennaeth yn ymwneud â “gwaith llaw dros dro” tymor byr pe bai'r Gwasanaeth Cyfnewid yn methu, wedi'i gwblhau a'i ymgorffori mewn Cynllun Parhad Busnes Caffael Data llawn. Mae camau gweithredu sy'n ymwneud â'r gofynion presennol ar gyfer Adfer ar ôl Trychineb a chynnwys ymarferoldeb y Gwasanaeth Cyfnewid yn y tymor hwy o fewn yr Adnodd Data Cenedlaethol yn parhau i fynd rhagddynt. Bwriedir cyflwyno'r Adroddiad i'r Pwyllgor Archwilio a Sicrwydd ym mis Chwefror.

- Bydd dogfennaeth y fframwaith llywodraethu a ddatblygwyd drwy dîm PowerBI Corfforaethol y Gyfarwyddiaeth Gwasanaethau Gwybodaeth ar gyfer cyhoeddi dangosfyrddau o fewn Iechyd a Gofal Digidol Cymru yn cael eu cyflwyno i Gyfarwyddwyr Gweithredol ar 1 Chwefror 2023. Mae'r fframwaith llywodraethu PowerBI hwn yn cael ei sefydlu i roi sicrwydd ar draws Iechyd a Gofal Digidol Cymru mai dim ond pan fo rheswm dilys dros wneud hynny y rhennir data, ac ni fydd unrhyw ddata personol neu sensitif yn cael eu rhannu'n anfwriadol drwy gyhoeddi dangosfyrddau. Bydd hefyd yn darparu strwythur o amgylch y prosesau cymeradwyo a chyhoeddi.
- Ymhellach, nodwyd bod risg DHCW0269 sy'n mynd i'r afael â'r angen i ddisodli swyddogaethau Gwasanaeth Cyfnewid Data GIG Cymru (NWDSS) presennol yn parhau ar y gofrestr risg gorfforaethol a throsglwyddwyd perchnogaeth y risg i'r Cyfarwyddwr Gweithredol Gweithredoedd. Mae gwaith yn mynd rhagddo i ddarparu'r ymateb priodol i argymhellion yr adolygiad archwilio mewnol o'r Gwasanaeth Cyfnewid gan Bartneriaeth Cydwasanaethau GIG Cymru.

Cynhaliwyd trafodaeth ar y broses lywodraethu sydd ar waith, gyda cheisiadau gwasanaeth presennol sy'n dod i mewn i'r Gyfarwyddiaeth Gwasanaethau Gwybodaeth yn annibynnol, ac a fyddai system newydd i wella'r broses bresennol i gynnwys yr Adnodd Data Cenedlaethol, yn cael ei datblygu mewn ymdrech reoli ar y cyd. Esblygodd y drafodaeth tuag at gapasiti'r tîm Gyfarwyddiaeth Gwasanaethau Gwybodaeth gyda RP yn nodi eu bod yn cwrdd â'r galw presennol oherwydd capasiti Busnes Fel Arfer sy'n cynnwys y llif presennol o geisiadau sy'n dod i mewn, fodd bynnag pan ddaw'r Adnodd Data Cenedlaethol ar-lein byddai angen adolygu'r broses.

Cofnodion ar gyfer:

Pwyllgor Cyhoeddus Llywodraethu a Diogelwch Digidol Chwefror 2023

Nodwyd y bydd y ceisiadau presennol yn cael eu hymgorffori yn yr Adnodd Data Cenedlaethol a bydd y Gyfarwyddiaeth Gwasanaethau Gwybodaeth yn gwsmer i'r Adnodd Data Cenedlaethol, felly bydd yr holl waith yn trosglwyddo i'r Adnodd Data Cenedlaethol a fydd yn darparu ffynhonnell gyson o ddata y gall y tîm ei ddefnyddio.

IV. Adroddiad Sicrwydd Ymchwil ac Arloesi

Darparodd RP yr ychwanegiad newydd i'r adroddiadau sicrwydd, gan nodi ei fod yn dilyn cymeradwyo'r strategaeth Ymchwil ac Arloesi a'i fod yn llywio cyflawni'r gwaith yn y dyfodol.

Mae'r adroddiad yn amlygu'r materion canlynol i'w hystyried gan y pwyllgor:

- Mae Strwythur Llywodraethu mwy cadarn, atebol ac agored yn cael ei ddatblygu gan y Gweithgor Ymchwil ac Arloesi gyda tharged Cynllun Tymor Canolig Integredig a gytunwyd arni i'w gyhoeddi'n ffurfiol erbyn diwedd Ch4 2022/23.
- Mae sicrhau ymgysylltu effeithiol â phartneriaid a rhaglenni ymchwil ac arloesi academiaidd ac eraill yn cael ei ystyried yn elfen hanfodol o'r llywodraethu arfaethedig gan gydnabod y gall y partneriaethau hyn fod â chylch gwaith ehangach nag Ymchwil ac Arloesi yn unig. Mae'r Tîm Rheoli Gweithredol wedi penderfynu peidio â dilyn statws Dynodiad Prifysgol yn ffurfiol ar gyfer y sefydliad o ystyried ein cylch gorchwyl unigryw a'n hymrwymiad i ffurfioli partneriaethau gyda Diwydiant ac Academia trwy weithredu ein Strategaeth Ymchwil ac Arloesi.
- Er mwyn helpu i nodi meysydd blaenoriaeth a dibyniaethau ar gyfer Ymchwil ac Arloesi, ac i annog holl berchnogion rhaglenni a phrosiectau Iechyd a Gofal Digidol Cymru i ystyried goblygiadau a chyfleoedd Ymchwil ac Arloesi, mae Proses Asesu Effaith Bwrdd Iechyd a Gofal Digidol Cymru a rhestr wirio Cyflwyno Papur y Bwrdd Cyswllt bellach yn cynnwys ystyriaeth benodol o Ymchwil ac Arloesi a rheoli gwybodaeth, drwy Asesiad Effaith Ymchwil ac Arloesi penodol.
- Mae cynnydd hefyd wedi'i wneud o ran adnoddau

Cofnodion ar gyfer:

Pwyllgor Cyhoeddus Llywodraethu a Diogelwch Digidol Chwefror 2023

	Ymchwil ac Arloesi gyda phenodiad llwyddiannus y Pennaeth Ymchwil ac Arloesi, Rachel Gemine, a ymunodd ag Iechyd a Gofal Digidol Cymru ym mis Ionawr 2023. Er mwyn sicrhau rheolaeth perfformiad a chyflawniad Ymchwil ac Arloesi yn erbyn targedau y Cynllun Tymor Canolig Integredig y cytunwyd arnynt a thargedau eraill, mae proses 'Adrodd Allan' fisol hefyd wedi'i sefydlu. Mae cerrig milltir a thargedau Cynllun Tymor Canolig Integredig chwarterol ar gyfer 2023/2024 a thu hwnt hefyd wedi'u cyflwyno fel rhan o Broses Gynllunio Iechyd a Gofal Digidol Cymru. Nododd RG bwysigrwydd ac angen i'r Polisi Eiddo Deallusol gael ei gyflwyno i gyfarfod nesaf y Pwyllgor ym mis Mai yn ddi-ffael. Holodd DS ynghylch y capasiti a'r sgôp presennol i weithredu'r strategaeth Ymchwil ac Arloesi ac a oedd angen adnoddau ychwanegol. Mewn ymateb, nododd Rhidian Hurle (RH), Cyfarwyddwr Meddygol Gweithredol, yr angen i Iechyd a Gofal Digidol Cymru gadw talent a datblygu sgiliau o fewn ei weithlu presennol, gan ychwanegu y bydd yr Adnodd Data Cenedlaethol yn caniatáu echdynnu i ddarparu gwerth i gefnogi hyn. Cadarnhaodd RP mai adnodd bach iawn oedd yn y tîm Ymchwil ac Arloesi ar hyn o bryd, ond bod meysydd i'w gwella o ran gwreiddio'r strategaeth ar draws Iechyd a Gofal Digidol Cymru wedi'u nodi. Penderfynodd y Pwyllgor Llywodraethu a Diogelwch Digidol: Nodi'r adroddiadau er Sicrwydd.		
3.5	Diweddariad ar Drosolwg y Rhaglen Ddigidol Amlygodd David Sheard (DSH), Cyfarwyddwr Cynorthwyol Trawsnewid Gwasanaeth y canlynol i'w nodi yn erbyn y Rhaglenni Digidol: Mae sgôr Coch i brosiect System Adrannau Achosion Brys Cymru (WEDS) yn aros yn Goch. Y prif fater yw problemau system parhaus sy'n effeithio ar Uned Mân Anafiadau Castell-nedd Port Talbot, sy'n effeithio ar yr hyder ar gyfer mynd yn fyw yn y dyfodol. Mae'r cyflenwr yn parhau i weithio gyda Bwrdd Iechyd	Nodwyd er Sicrwydd	Diweddariad ar Drosolwg y Rhaglen Ddigidol David Sheard i ymchwilio i'r amserlen o ran sut a phryd y bydd buddion o'r Adnodd Data Cenedlaethol

	Prifysgol Bae Abertawe ac Iechyd a Gofal Digidol Cymru i ymchwilio i ddichonoldeb a goblygiadau gweithrediad posibl ar y safle. Bydd Arfarniad Opsiynau'n cael ei gyflwyno i Fwrdd Prosiect Gwasanaethau'r Gweithlu, Addysg a Datblygu Cenedlaethol ynghylch cyfeiriad y dyfodol. Holodd DS pryd y byddai'r bwrdd rhaglen nesaf yn cael ei gynnal, mewn ymateb cadarnhaodd DSh o fewn y mis nesaf. • Sgôr Rhaglen Rhwydwaith Gwybodaeth Labordai Cymru yw Coch. Mae'r Rhaglen Rhwydwaith Gwybodaeth Labordai Cymru wedi'i graddio'n Goch ar hyn o bryd yn dilyn yr adolygiad mewnol a ddaeth i'r casgliad yn ôl y dystiolaeth a ddarparwyd nad yw'n bosibl cyflawni'r rhaglen erbyn haf 2025. Mae cynnydd wedi'i wneud yn hyn o beth ond ni chytunwyd ar gynllun derbynol i ddarparu'r gwasanaeth newydd erbyn Mehefin 2025. Trosglwyddwyd y Rhaglen i Iechyd a Gofal Digidol Cymru o Gydweithrediaeth y GIG ar 1 Ionawr 2023, mae ystod o gamau gweithredu ar y gweill i fynd i'r afael â'r oedi ac mae briffiau rheolaidd yn cael eu darparu i Brif Weithredwyr Byrddau Iechyd/Ymddiriedolaethau. • Mae prosiect Llwybr Trawsffiniol Powys / Lloegr wedi lleihau i Oren. Nid yw Iechyd a Gofal Digidol Cymru hyd yma wedi gallu recriwtio Pensaer Atebion i barhau â'r dyluniad ar gyfer y prosiect hwn. Mae opsiynau cyrchu amgen yn cael eu harchwilio. • Mae'r Rhaglen Gwybodeg Canser bellach wedi'i graddio'n Wyrdd. Mae hyn yn dilyn llwyddiant o fynd yn fyw ym mis Tachwedd yng Nghanolfan Ganser Felindre o gam 1 y datrysiad, gan gynnwys datblygiadau System Gweinyddu Cleifion Cymru a Phorth Clinigol Cymru. Mae Felindre bellach yn dibynnu llai ar yr hen ateb CANISC. Gofynnwyd i David Sheard ymchwilio i'r amserlen o ran sut a phryd y bydd buddion yr Adnodd Data Cenedlaethol yn cael eu hadrodd fel mecanwaith i fesur yr effaith ehangach ar y rhaglenni wrth i Iechyd a Gofal Digidol Cymru symud i ddull sy'n canolbwyntio mwy ar y cynnyrch ac adrodd yn ôl i'r Pwyllgor. Cafwyd trafodaeth ar yr anhawster i benodi Penseiri gyda'r profiad a'r sgiliau perthnasol sydd eu hangen i ymuno â'r tîm a	yn cael eu hadrodd fel mecanwaith i fesur yr effaith ehangach ar y rhaglenni wrth i Iechyd a Gofal Digidol Cymru symud i ddull sy'n canolbwyntio'n fwy ar gynnyrch ac adrodd yn ôl i'r Pwyllgor.
--	---	---

	gallu gweithio gyda chynnyrch pwrpasol o'r fath ar gontractau tymor byr, a'r cyfyngiadau o fewn y sector cyhoeddus o allu denu gweithwyr proffesiynol medrus o'r fath. Penderfynodd y Pwyllgor Llywodraethu a Diogelwch Digidol: NODI'r Diweddariad ar Drosolwg y Rhaglen Ddigidol er SICRWYDD.		
3.6	Adolygiad o Hyfforddiant Llywodraethu Gwybodaeth a Seiberddiogelwch ar draws y GIG Nododd RG y dylid gwneud yr aelodau'n ymwybodol y byddai'r sgwrs hon yn parhau mewn manylder yn y sesiwn Breifat. Derbyniodd DL ddiweddariad ar yr Adolygiad o Hyfforddiant Llywodraethu Gwybodaeth a Seiberddiogelwch ar draws y GIG, ac roedd ystadegau pellach wedi'u cyflwyno gan Jamie Graham, (JG) Cyfarwyddwr Cynorthwyol Seiber i sesiwn breifat y pwyllgor i'w hadolygu ymhellach. Amlygodd DL y canlynol: • Mae gwaith wedi bod ar y gweill i ddod â Llywodraethu Gwybodaeth, Seiberddiogelwch a Rheoli Cofnodion o dan un modiwl hyfforddi statudol a gorfodol ar ESR. • Adolygwyd yr hyfforddiant Llywodraethu Gwybodaeth yn ddiweddar gan Lywodraethu Gwybodaeth Iechyd a Gofal Digidol Cymru ochr yn ochr â chynrychiolwyr Llywodraethu Gwybodaeth o Fyrddau Iechyd y GIG, Ymddiriedolaethau ac Awdurdodau Iechyd Arbennig i sicrhau ei fod yn parhau i fod yn gyfredol, yn berthnasol ac yn haws ei ddefnyddio. • Cafodd yr hyfforddiant Seiberddiogelwch ei ailgaffael yn ddiweddar hefyd i sicrhau bod gweithwyr yn deall pwysigrwydd diogelwch systemau a rhwydweithiau GIG Cymru. • Mae manteision pellach creu modiwl hyfforddi popeth-mewn-un sy'n cwmpasu Llywodraethu Gwybodaeth, Seiberddiogelwch a Rheoli Cofnodion yn cynnwys creu'r Prif Fynegai Staff. Penderfynodd y Pwyllgor Llywodraethu a Diogelwch Digidol: NODI'r Adolygiad o Hyfforddiant Llywodraethu Gwybodaeth a Seiberddiogelwch ar draws y GIG	Nodwyd	Dim i'w nodi



RHAN 4 - MATERION I GLOI

4.1	Unrhyw Faterion Brys Eraill Nid oedd unrhyw fater arall i'w nodi.	Nodwyd	Dim i'w nodi
4.2	Eitemau ar gyfer Adroddiad Crynhoi Cynnydd y Cadeirydd i'r Bwrdd Nodwyd yr eitemau i'w cynnwys yn Adroddiad Crynhoi Cynnydd y Cadeirydd ar gyfer Bwrdd yr Awdurdod Iechyd Arbennig ym mis Mawrth fel; - nifer y risgiau sy'n dod oddi ar y Gofrestr Risg Gorfforaethol - aeddfedrwydd Iechyd a Gofal Digidol Cymru bod yr adroddiadau Sicrwydd wedi'u cyflwyno'n dda ac yn amlinellu'n glir sut mae prosesau o fewn y timau yn sefydlu arferion gweithio da.	Nodwyd	Dim i'w nodi
4.3	Dyddiad y cyfarfod nesaf Cadarnhawyd dyddiad cyfarfod nesaf y Pwyllgor Llywodraethu a Diogelwch Digidol ar 11Mai 2023 am 1.00pm.	Nodwyd	Dim i'w nodi